

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**D. Gebh. Theodori Meieri Theologi & Prof. in Academia  
Julia Antichiliasmus Absolutissimus**

**Meier, Gebhard Theodor**

**Helmstadii, 1696**

§. LII.

**urn:nbn:de:bsz:31-105465**

relinqueretur, etiam hic in infidelitate demortui, nondum tamen statim periremus. Denique referendum etiam huc est, quod de urbibus Tyro & Sidone item Sodomâ ac Gomorrhâ dicit Christus *Matth. XI. 21. seqq.* scilicet, si Tyrii ac Sidonii tot miracula vidissent, quot facta sunt in Chorazim & Bethsaida, tum illos pœnitentiam fuisse acturos in sacco & cinere. Non tamen propterea dicit quod iudicium extremum & damnationem effugere possint; sed quod pœnam habituri sint tolerabiliorem. At possent plane iudicium effugere, si post mortem locus adhuc foret pœnitentiæ, quippe qui si miracula Christi vidissent, pœnitentiam acturi fuissent, etiam, videntes post mortem, quanta sibi parata sint supplicia, pœnitentiam libentissime si modo detur ejus facultas, adhuc agerent. Satis ergo apparet, nullum pœnitentiæ locum relinqui posse illis, qui in peccatis jam sunt demortui, prout etiam Ecclesia canit: *Wer sich in Christo nicht bereit / weil er noch lebt in der Gnaden-Zeit / ewig muß der verderben.*

LII. Quid ergo dicendum de adductis D. Petri locis? utrumque fateor aliquid difficultatis habere, & singularium, etiam inter nostratum nonnullos, opinionum fontem fuisse, unde posset Chiliastis quoque condonari, quod ex hujusmodi dictis in hanc sententiam fuerint prolapsi. Interim quam male illa cum Verbo divino congruat, ostensum est numero præcedente, unde jam dispiciendum, qua ratione ita explicari possint dicta allata, ut cum analogiâ fidei consistent. Liceat ergo mihi, salvis aliorum iudiciis, exhibere hoc loco illam utriusque dicti expositionem, quam celeberrimi Academiae hujus Juliae Theologi, jam dudum ab ipso Augustino & Bedâ propositam, fuerunt

am-

amplexi. In initio observo contra nostrates Chiliaftas, quod apud D. Petrum, 1. *Epist.* III. 19. mentio tantum fiat illorum, qui tempore Noachi non crediderunt, unde apparet, non omnibus mortuis factam dici posse hanc prædicationem. Deinde noto, posse adjectiva & concreta non infrequenter per distractionem determinari ad aliud tempus, quam verbum additum conſignificat. ita v. g. dicit Salvator: Cæci vident, claudii ambulant, *Matth.* XI. 5. h. e. qui ante fuerunt tales. Hinc, cum apud D. Petrum l. c. dicitur: Christus in spiritu proficiſcens Spiritibus in custodiâ prædicavit; non statim inde potest inferri, quod tempore prædicationis Christi Spiritus fuerint in custodiâ, sed concretum hoc τὰ ἐν Φυλακῇ πνεύματα potest ad aliud tempus determinari, ut sit sensus: Spiritibus illis qui jam detinentur in custodiâ, olim (ſcilicet cum in corporibus viverent) Christus in spiritu, h. e. in divinâ virtute, per quam in Noacho operatus est, prædicavit. Intelligitur ergo hic per prædicationem Christi in spiritu, prædicatio illa Noachi per spiritum Christi in ipſo operantem facta. Non ignoro, perſtringi propter hanc explicationem Helmſtadienſes Theologos à D. Animadvertente in Deductione Germanicâ, ubi dicit: Solte aber einer ſeyn / welcher die Wahrheit von der zukünfftigen Welt (regno chiliaſtico) und die erſte Auferſtehung præfracte läugnen / und nicht etwa nur ein Jota, ſondern ſo groſſe Wahrheit (ſcilicet!) auflöſen / ja es gar vor eine Lüge ſtraffen ſolte / würde ſich ſo ſehr verſündigen / als der thäte / der läugnen würde / daß Chriſtus nach den Geiſtern im Gefängniß hingegangen / ob gleich dieſer Artikel ein ſolcher iſt / der nicht eben zum fundament des Glaubens gehöret / ohn welches gründliches Erkant-

Wäntniß kein Mensch könne selig werden: Verum talia dicere non sufficit, sed probatione opus est. Multi profecto viri celeberrimi descensum Christi ad inferos in dubium vocarunt, quos hanc ob causam non statim graviter peccasse dicendum est, sed potius cum D. Luthero statuendum: Wenn ich von der Niederkahrt Christi zur Höllen so viel weiß / daß Christus der Höllen Gewalt zerstöhret / und dem Teuffel alle seine Macht genommen habe / so habe ich den rechten Kern und Verstand der Höllenfahrt Christi / und soll nicht weiter fragen noch klügeln / wie es zugegangen oder möglich sey. Tom. VII. Jenensi Germ. L. 77.

LIII. Alterum autem Dictum quod attinet, habetur illud 1. Petr. iv, 6. *Nam idcirco mortuis quæque evangelizatum fuit, ut judicarentur, secundum homines in carne, viverent autem secundum Deum in spiritu, omnium autem finis imminet.* Sensus huc redit: sicut tempore diluvii, cum Christus CXX. annis Spiritu suo per Noam impiis evangelizasset, & resipiscentiam eorum frustra expectasset, tandem diluvium mundo immisit, & finem impietati eorum imposuit: Ita nunc etiam finis totius orbis instat, ut incendio pereat, sicut tum temporis diluvio perit. Evangelizatum autem fuit tempore Noachi illis qui jam mortui sunt, ut damnarentur quidem secundum homines, seu in carne, id est, carnales illas cupiditates abjicerent, & propter illas abjectas hominum opprobria ferrent, & interim secundum Deum, seu spiritu, i. e. juxta Dei voluntatem, secundum internum hominem ac Dei spiritum viverent. Hoc modo sensus cum præcedentibus optime congruit, ut patet, si conferatur v. 4. Solet denique & pro remissione